

مستطابق

۱۳۲۶

در سعادته باب عالی جاده سنده
اداره مخصوصه
محل اداره :

انظار :

مسکونه موافق آثار جدیدیه مع المنونیه قبول اولنور
درج ابدله بن آثار احاده اولغاز

دین ، فلسفه ، ادبیات ، حقوق و علوم دن باحث هفته لقا رساله در

در سعادته نسخه سی ۵۰ پاره در

قیرله دن مقوا بورو ایله کوندریلیرسه سنوی
۲۰ فروش فضله آلنیر

تاریخ تاسیسی :
۱۱ نمر ۳۲۴

در سعادته بوسته ایله کوندریلیرسه ولایات بدلی اخذ اولنور،

مؤسسلری : ابوالعلا زین العابدین - ح . اشرف ادیب

سنه لکی التي آیلنی

۶۵ ۳۵

۸۰ ۴۰

۸۰ ۴۰

درسه دنده

ولایاتده

ملک اجنبیه ده

عدد : ۲۶

۲۷ محرم ۳۲۷ پنجشنبه ۵ شباط ۳۲۴

برنجی سنه

مواظبت

۵۲ درس - مابعد

خلفه دگشیدی وقت اونلر تنسیب ایدم جک . محاربه اوله جق ، مصالحه اوله جق ، دها بشقه مهم شیلر اوله جق ... بونلری هب اونلر دوشونه جک . هر کسک هر شینه عقلی ایرمز . برمسلكه واقف اولمایان اونك غوامضی اکلايه بیلیرمی ؟ مثلاً بن خواجه یم ، مسائل دینیه آشنایم ؛ فقط اسرار حربی نه اکلارم ؟ تشخیص امراضه مقتدر دو قنوره اعتراض ایدرسیم ، حماقت ابراز ایتیش اولورم . لکن دو قنوره بکاسرار شریعت حقنده اعتراض ایدرسه طوغرو اولماز . صوکرآ آحاد ناس نه بیلیر دولترک احوالی ، الجأت سیاسی ، استطاعت مالی ، استطاعت اولمانجه حج بیلر فرض اولماز . « وتزودوا فان خیر الزاد التقوی » بیورلشدیر . حجه کیده جکم دینه جک اولسه ک شریعت :- هانی پاره ، هانی قوتک ؟ دینه صوراره . مالک یوق ایسه الله حج شریفه براقایور . یولده اولورسه ک کناهکار اولورسک . حجه کیده جکم ، دیه انسان اولادینی آج براقق اولماز . بویه آدم سفیه دره شرعاً حجر اولور ، توینج ایدیلیر . ایضای حج ایچون زاد ورا حله لازم که بونده عودت زمانه قدر نفقه عیالده داخلدر .

شیمدی بوراده « تکاسل عن الجهاد » دنیور ؛ لکن فقیر نه بی ده قاتیورم ؟ « جرأت علی الحرب » ی ، لزومی یوق ایکن مخاطرمیه آتلق ده مصیبتی دعوتدر . زیرا بونك ده بمنوعیتته دال دیگر ایت وار : [و انفقوا فی سبیل الله ولا تلقوا بایدیکم الی التهلكة] بوده جهاد آیتلرندن دره . یعنی ای مؤمنلر ، اول باول پاره حاضر لایک . پشین اورتیه پاره بی قویک . محاربه باشقه درلو اولماز . فی سبیل الله بتون ملت وارکان دولت موجودینی اورتیه قویلی . صوکر اباکک ، اوپاره کوره ایش طوته جقسکز : عیجا کفایت ایدم جک می ؟ [ولا تلقوا بایدیکم الی التهلكة] کندیگز ی تهلکیه آتمایک ، بیوریور . مطلق اوله رق سویلیور . هانکی طرف باعث سلامتکز اوله جق ایسه اوطرفی ترجیح ایدک ، باقدیکز که سلاحکز مکمل ، اونی قوللانه جق آدملیکزده وار ؛ اووقت محاربه دن قاجایک . پاره وار ، آدم وار ، خصمه غلبه ایدم جک آلات مرتب ... اوپله برملت محاربه دن قاجارسه الله سفالت ویرر . اعلا ی کلمه الله وظیفه لری ایکن ذلت وحقارته قاتلانمشلر ، ناموس ملیلرینی هدر ایتشلر ، - قوللارک سومدیکی کیسه بی الله ده سومز . - اطراف مساعد ایکن ، خصمادن میدان خالی ایکن ، « بن قاریشمام » دیمشلر .

برنجی جلدک صوکی

مابعدی وار

ابوالعلا

۱۳۰۲/۳۵۰۶۷

هلال مطبعه سی

محییك موقعی نه ایسه بوسؤاله قارشیده موقع اوندن عبارتدر . سبی قطعاً عملیه جراحییه یناشق ایسته مز . قصاص علیهنده بولنان کیسه ده خیر عام ایچون شرخاص تجویزک محض خیر اوله جقنی وخیری اهلآلک لایق اولادیقنی بر درلو درک وتیقن ایدم مز . نفسنه آجیز . محاکمه وملاحظه سنده جزایه محکوم اوله جق شخصدن ماعداسنه نظرینی انفاذ ایدم مز . بونلره قارش نه یایله بیلور ؟ چوجقدن صباوتی ، بوآمدن غباوتی کیدرملی که انلر ایچون مسئله بی آکلامق امکانی حاصل اوله بیلسون . سائلک دخی شوادعاسنه نظراً ذهنتک بویه جه ایلشوب قالدینی آکلاشیلور که خیرسز شر اوله بیلور کبی بر ادعاده بولنیور « بوشرده خیر مندیج اولادیقنی زهدن بیلدک ؟ » دینه جک اولور ایسه دعواسنی تکراردن بشقه برحواب بوله میور .

امادینله جککه بر آدم ایچون خیری شر ضمنده اولقسزین تحصیل ممکن دیکلدر ؟ بک اعلا صورارز : امکان واستحاله جهتتری یعنی بوخیردر ویا شو شردر کبی خصوصات همان بالبداهه ویا نظر قریب ایلر بیلنه بیلورمی ؟ بونك ایچون نظر دقیق وغاض لازمدر . عیجا خیری شو صورتله استحصال ایدم جک اولان ذات نفسنده بومزیتی بوله بیلورمی ؟ شبهه یوقکه بوله میور . چونکه سؤالی اونی کوستریور . اومزیتی حائز اولمش اولسه ایسی اساساً بوسؤالی زائد عد ایدردی . زیرا بویه بر نظرله حقیقه نفوذ ایتیش اولور وجلوه سبحانیه قارشیدسند دمیسته حیرت قایلردی .

—•••••—

سؤال - جواب :

رسم و صورت

سؤال : مقالات ادبیه وفیه دن استفاده مقصدیله رسمی کتاب کبی مصور مجریه لری اولریمزده بولندیریورز ؛ کتاب دروننده قبالی بولنان بوکبی جانلی رسملرک اولرده بولنمنک دینه قارشو برتأثیر مضری وارمیدر . یوقیدر ؟ .. بوسؤال عاجزانمک جوابی برایی سطرله همت بیوره جق اولورسه کز ، امید ایدم رمکه ، مسلمان قرداشلریمز ، جدی بر خدمت ایتیش اولورسکر .

پوسته ونلغراف نظارتی فونطورل قلی کتبه سندن :

م . علی

صراط مستقیم

جواب : جائز اولمایان ، نماز قلنه جق محله صورتی آجیق اوله رق برجانبه تعلیق ایتکدر . امامستور اوله رق خانه ده بولنمی ، آیاقله باصیلان یرده نقش اولونمی جائزدر . برده غایت صغیر اولوب اعضاسی اوزاقدن باقلدقه تمیز ایتزسه ، یاخود تام الاعضا اوله رق تصویر ایدمش اولمازسه علی الاطلاق مکروه عد اولغاز . موقع احترامده صورت بولنان اوطیه رحمت ، لککری کیرمز ..